

Headline **Ujian saringan HIV serentak**  
Date **24. May 2009**  
Media Title **Sinar Harian (Pahang)**  
Section **NEWS**  
Circulation **60000**  
Readership **0**

Language **MALAY**  
Page No **10**  
Article Size **162** cm2  
Frequency **Daily**  
Color **Full Color**  
AdValue **896.17**



## Ujian saringan HIV serentak

RAUB - Pejabat Agama Islam Daerah (Paid) Raub merancang untuk melaksanakan ujian saringan HIV serentak semasa kursus praperkahwinan yang lazim dihadiri bakal pengantin.

Pegawai Agama Islam Daerah, Khairul Amran Abdul Jalil berkata, pendekatan itu dianggap memberi kesan positif dalam pelaksanaan proses pendaftaran perkahwinan umat Islam di daerah ini.

Menurutnya, kerjasama daripada Jabatan Kesihatan juga diperlukan bagi menyediakan pegawai bertugas semasa kursus praperkahwinan berlangsung di daerah ini.

"Kita sentiasa berusaha menyediakan kemudahan terbaik kepada masyarakat setempat terutama bakal pengantin agar dapat menyelesaikan proses tertentu yang diperlukan tanpa sebarang masalah.

"Usaha menjadikan ujian saringan HIV sebagai pen-



**“““ Kita sentiasa berusaha menyediakan kemudahan terbaik kepada masyarakat setempat terutama bakal pengantin agar dapat menyelesaikan proses tertentu yang diperlukan tanpa sebarang masalah.**

Khairul Amran Abdul Jalil

gisian dalam kursus tersebut masih di peringkat perbincangan tetapi akan mengambil kira banyak faktor, termasuk perkembangan positif yang bakal diperoleh sekiranya dilaksanakan," katanya ketika ditemui di sini.

Khairul Amran berkata, pasangan yang bakal mendirikan rumah tangga perlu memandangkan positif terhadap ujian saringan HIV ini demi kebaikan pada masa akan datang.

Menurutnya, golongan itu tidak seharusnya memandang perkara ini sebagai sesuatu yang membebankan,

sebaliknya berterima kasih kepada kerajaan atas keprihatinan terhadap generasi akan datang.

"Setakat hari ini, penyeretaan golongan muda dalam kursus praperkahwinan amat menggalakkan, sekaligus memanfaatkan input yang disediakan sepanjang kursus.

"Sehubungan itu, perancangan menyediakan proses ujian saringan HIV untuk bakal pengantin diharapkan tidak membataskan penyertaan kelompok ini dalam kursus yang akan diadakan pada masa akan datang," kata Khairul Amran.